

*Compil.*  
HARANGVE  
PRONONCEE

DEVANT LE ROY,

POVR LA CONTINVATION

du droict Annuel.



A PARIS,

Chez FRANÇOIS IACOVIN,  
ruë des Maçons proche  
Sorbone.

---

M. D. C. X V.

AVEC PRIVILEGE DV ROY.

---



Case

39

326

## Privilege du Roy.


1615

harc

**NOVIS** par la grace de Dieu Roy de France & de  
Nauarre : A nos amiez & feaux Confeillers , les  
gens tenans nostre Cour de Parlement à Paris , Preuost  
dudict lieu , & à tous autres Baillifs ou leurs Lieutenans &  
à chacun d'eux , si comme il appartiendra. Salut, nostre  
bien amé FRANÇOIS IACQVIN maistre Imprimeur  
& Libraire en l'vniuersité de Paris, nous a faict dite & re-  
monstrer qu'il auroit imprimé vn petit liure intitulé , *la*  
*Harangue prononcée deuant le Roy, pour la continuation du*  
*Droit Annuel.* Et que pour le frustrer de son labeur & im-  
pense, autre marchand libraire & Imprimeur le veulent  
faire imprimer, vendre & distribuer à son grand preiudice  
& dommage. Nous à requis estre surce pourueu de nos  
lettres conuenables : nous requerant icelles. A CES CAU-  
SES inclinant à la premiere requeste dudict Iacquin & le  
desirant fauorablement traicter. Auons permis & permet-  
tons de grace speciale, par ces presentes imprimer ou fai-  
re emprimer, vendre & distribuer ledict liure. Et faictes  
de par nous deffences à tous imprimeurs libraires de le  
faire imprimer, ny mettre en vente, à peine de cinq cens  
liures d'amende , durant trois ans. C A R T E L est no-  
stre plaisir. D O N N E' à Paris le vingt-quatriesme iour  
de Ianuier, l'an de grace mil six cens quinze & de no-  
regne le cinquiesme.

Par le Conseil

C O N A R T.



*H A R A N G V E P R O N O N -*  
*cée deuant le Roy, pour la continua-*  
*tion du Droict Annuel.*



**S**IRE,  
Ce n'est rien d'estrange, si  
approchant de vostre Majesté: ie me  
suis pour quelque temps retenu dans  
le silence. C'est ainsi qu'on va reue-  
rant le grand Dieu, dont vous estes  
l'image viuante sur la terre, comme  
tel vous congnoissez les maux qui  
nous oppressent: les cognoistre & les  
guarir doit estre la mesme chose en  
celuy, qui a succédé à la courōne, en-  
semble & aux vertus du plus grand  
Roy que le soleil ait iamais esclairé.

On dit que le miel d'Heraclee  
pource qu'il est meslé d'Aconit, est



plus doux que celuy qui se recueille  
aux autres parties de la terre, mais  
qu'il nuit à la santé de ceux qui en  
vivent.

La proposition d'eteindre le droit  
annuel est douce en apparence, puis  
qu'elle vous faict esperer de r'entrer  
dans vostre autorité, comme si  
vous en estiez despouillé, & que les  
prouisions de vos officiers, non plus  
que leur cœur, estoient empraintes  
d'autre caractere que de celuy qui  
part de vostre Royale main.

Nous protestons deuant toute la  
terre, que nous tenons nos offices &  
nos charges de la seule grace de vo-  
stre Majesté, & que la plus grande  
crainte que nous ayons, est que par  
cette proposition emmiellée, nous  
ne soyons insensiblement conduits  
à les tenir désormais d'autre main  
que de la vostre.

Celuy qui auança le premier la

barbare loy', des quarante iours, Pa-  
uoit comme ie croy empruntée des  
Scytes & des Bracmanes. Il s'estoit  
retiré des bornes de l'humanité,  
pour se porter dās les termes de l'im-  
prudence. Imprudence qui fut aussi  
roist suiuite des maux & des miseres,  
que nostre âge n'a que trop resenty,  
& dōt nous deuons la guirison à l'es-  
pee de Henry le Grād entre les mains  
de qui Dieu mist le sceptre des Fran-  
çois pour changer leurs larmes en  
ioyes, & leur misere en felicité.

Ce genereux Alcide, ayant abatu  
l'Hydre de nos maux, il en voulut  
aussi bruster les restes, & par vn traict  
admirable de prudence, dont nous  
auons recueilly depuis peu les fruits.  
Il changea la rigueur de ces quaran-  
te iours en la douceur du droict an-  
nuel, auquel il voulut estre obligé  
par contract.

Ce mesme contract a esté renou-



uélé par vostre Majesté, durāt l'heureuse Regence de la Royne, à qui la France doit ce que Rome deuoit à son Romule, ce que le Capitole à son dictateur, ce que Babylone à son Artemise. Regence inimitable en ce quelle a sçeu imiter & continuer les prudentes actions d'un Roy qui ne fut iamais precedé d'exemple, & qui ne peut estre suiuy d'imitation que par celuy qu'il a laissé dās son Troisne.

Le Poëte Homere dit, qu'à la hauteur des Cieux est attachée vne chesne d'or, qui descend iusques en terre. Il signifie bien la liaison qui est entre les choses diuines & les mortelles, mais il monstre aussi le commerce secret d'entre les Roys & leurs peuples. Ceste chesne, est la parolle du Prince: & la fidelité de ses promesses. Ceste chesne est attachée au ciel, sans que la terre s'en soit meslée, pour monstrar que le Roy ne s'oblige que



par foy-mefmes, & par fa propre liberté. Cefte chesne touche la terre, pour monftrer que quelque diftance qu'il y ait entre les Roys & les peuples, fi eft-ce qu'ils font liez par des correfpondances publiques, & des obligations mutuelles. C'eft ce qui nous fait paroiftre avec plus de confiance deuant vofre Majesté, pour la fupplier de fe confiderer foy-mefme: elle verra les premiers chesnons de cefte belle chaisne attachez à fon cœur, pour conferuer les officiers en la iouyffance de leur traicté.

Traicté qui ne peut eftre rompu au milieu de fon cours, puis qu'il a esté confirmé par l'oracle de vofre parole sacrée.

Outre cela, Sire, qu'elle confideration politicque vous pourroit conuier, à vous porter contre la foy donnée à vos fubieets: eft-ce que de for-  
mais les gens de bien & de merite se-

ront appelez aux charges? Qu'est-il  
besoin d'attendre cet effect pour l'a-  
uenir? puisque la pluspart des places  
sont remplies de personages, en qui  
ces belles qualitez reluisent.

Ainsi que la bonne temperature  
du Ciel, cause l'abondance des fruits  
de la terre: la bonté & la iustice de  
nos Roys ont faict n'aistre la preu-  
d'homme au cœur, & l'industrie en  
l'esprit de leurs subiects.

Ces gens qui pour l'auantage de  
l'Estat doiuent posseder les charges  
à l'auenir, ont ils tiré leur origine de  
quelque partie du Ciel qui soit inco-  
gneüe au reste de la terre: quelque  
nouveau Platon est-il passé de la  
Grece en France pour leur instru-  
ction seulement.

Je croirois plustost, que ceux qui  
auacent ceste proposition, ont ap-  
pris de l'ancien maistre d'Aristote, à  
former des republiques en idée, &  
en imagination.

Les



Les curieux disent que vers la partie de l'Aquilon, il se trouue vn arbre dont les fueilles sont si vertes en toute saison, qu'elles conuient les passans a en cueillir les fruiçts, dont ils ne goustent point: recognoissant que cest arbre n'est eschauffé que par l'aleine des Serpens qui sejourment au tour de sa racine.

Les fueilles, tousiours vertes de ceste proposition: sont que vous aurez le pouuoir de disposer des offices, & que la vertu, l'intégrité & l'industrie en seront reuestuës: mais les fruiçts que vous en cueillerez, SIRE, ne seront autres, sinon que vous perdrez quinze cens mill liures du plus legitime, & pour ce du plus asseuré reuenu qui se recognoisse en l'Europe.

Ceste perte si signalee, aussi tost que vostre interest nous a fait aduancer vers vostre Majesté, pour la supplier de n'en admettre point la pro-

positiō. Si nostre deuoir nous force,  
& nostre ferment nous adstreint à  
ne laisser egarer la moindre partie de  
vostre domaine: nous sommes bien  
plus estroictement obligez à vous  
conseruer vn si grand reuenue.

Il est donc temps de vous reueil-  
ler, SIRE, sur vostre propre inte-  
rest, comme nous vous supplions de  
vous rendre sensible à ce qui est du  
nostre.

Est-ce le bien de l'État que d'en  
perdre le lustre, & de toucher aux for-  
tunes de tant & tant de particuliers.

Après cela pourra-on dire que ce  
droict annuel sera cause vn iour de la  
perte de l'estat, veu que nous auons  
iusques icy apporté tant de soin à sa  
conseruation, pendant que Henry le  
Grand, l'espee en la main, chassoit  
les ennemis de ceste Couronne.

La fidelité des officiers paroissoit à  
la campagne, & dans les villes, & leur



exemple ramenoit à leur debuoir ceux qui s'estoient tirez de son obeyssance.

Pour faire ces iugemens à l'aduenir auons nous par le passé esté cause de la reuolte de quelque ville ou de la perte de quelque prouince? auons nous attiré les ennemis de cest Estar dans nostre sein, & dans nos entrailles? Le contraire de cela à paru durant les siecles passez, & vous ose asseurer, SIRE, que si en ces derniers temps vous eussiez eu besoin de nostre fidelité vous l'eussiez esprouuée toute entiere.

Ceux qui courent à la suppression du droict annuel, disent qu'il est cause de la cherté des offices, Il seroit bien de vostre interest, si l'or & l'argent sortoient de vostre Royaume: mais n'y vostre Majesté n'y l'Estat n'est point interessé lors qu'ils partent des mains d'un de vos subiects

pour entrer en celles d'un autre.

On ne condamne donc pas ceste grace que nous receuons de vostre Maiesté: mais on va accusant la prudence de ceux de qui le fidelle ministere nous a cōserué la paix. Paix qui nous donne l'abondāce d'or & d'argent, qui fait que les terres, les maisons, les viures, les estoifes, sous le benefice du droict annuel sont encheris à l'esgal des offices.

On dit encore qu'un pere qui a cinq ou six enfans, ne les peut rendre officiers à cause de la cherté des offices: il est bien necessaire à l'Estat que tous ces honnestes gens soient officiers. Si ceste proposition auoit lieu il faudroit autant créer d'office qu'il y en a desia de créés. Que ces peres de famille recognoissent au contraire que le droict annuel assure du bien en leur maison pour la commodité de leurs enfans.



SIRE, le Iupiter de Lacedemone auoit quatre faces, iettans les yeux en mesme temps sur toutes les parties de la terre, vostre M. en fera ainsi, s'il luy plaist: mais considerant moins fauorablement ce qui nous attaque, que ce qui est de nostre deffence.


On dit que l'arc en Ciel iettant ses rayons sur l'espine blanche la remplit de bonne odeur. Si vous iettez les yeux de vostre iustice sur les espines dont nos charges sont maintenant enuironnées, vous les rendrez plus douces & plus ayfées a supporter.

Les Egyptiens representoient en leurs Hieroglyphiques, vne vierge qui d'une main portoit vn flambeau vers le Ciel, & de l'autre versoit vne vrne d'eau sur la terre, & sembloit qu'elle dit ces mots, ie brusle le Ciel d'une main, i'esteins les flammes des enfers de l'autre: l'ayme Dieu pour l'amour de luy-mesme. Cen'est pas

l'esperoir de ses recompences qui m'y conuie, ien'y suis point forcé par la crainte de ses punitions, ie l'ayme pource qu'il est aymable.

Demefme, SIRE, nous reuerons vostre Maiefté fans autre consideration que de nostre deuoir feulemēt, duquel nous eftant fidellement acquitez, ne permettez pas, SIRE, que ces viels officiers qui ont escoulé leurs vies en vous feruant : ne permettez pas di je que la perte entiere de leur fortune foit la recompence de leur fidelité, ne permettez non plus, que ceux qui les fuiuent par cet infortuné exemple, ne perdent le courage de vous feruir.





# H A R A N G V E

PRONONCEE DEVANT  
LE ROY POVR L'ASSEVRAN-  
ce des officiers, durant la surcean-  
ce du droict annuel.



IRE,

Ce que vos peuples ont  
heureusement recogneu  
qu'une des fortes inclina-  
tions de vostre ame, est de tendre la  
main aux affligez : Me releue de la  
crainte dont ie pourrois estre touché  
d'importuner vostre Majesté : Si ie  
la supplie de d'estourner l'orage des  
mal'heurs qui menassent de si près les  
officiers de vostre Royaume.

Pendant que nous attendons, le  
iuste & fauorable decret de la confir-

mation du droict Annuel iniuste mēt  
esbranlé, la terre se remplist de  
pleurs, & le ciel est frappé des plain-  
tes de ceux qui suruiuent à leurs pe-  
res, & a leurs maris, à qui il n'a pas esté  
permis au cours de leur vie, de se def-  
faire, ny de conseruer apres leur mort  
ce qu'ils possedoient legitiment  
puis qu'ils l'auoient acquis sous la  
foy & sous les assurences publiques.

**SIRE,** Ce que nature a fait de plus  
horrible en la condition des mortels,  
elle la aussi rendu plus commun, à fin  
que la rigueur du destin fust adou-  
cie, par son esgalité.

Ainsi la mort frappe egallement à  
la porte de tous ceux qui iouissent de  
la lumiere du ciel, & ce qui arriue à vn  
peut aussi arriuer à tous.

Ceste consideration suffira, pour  
faire approuuer nostre action presen-  
te, a vostre Maiesté, & pour la cōuier,  
a redonner le calme a nos esprits  
poussez



troublez par les funestes exemples de ceux qui perdent la vie, & leur fortune, en vous seruant.

Les habitans de Thebes ayant inutilement recherché routes sortes de remedes pour esteindre ceste cruelle peste, qui comme vn feu alloit deuorât les peuples de la prouince, eurent en fin recours aux dieux qu'ils auoient offencez : & se iettans aux pieds de leurs autels avec les flammes de leurs sacrifices esteignirent les feux de leurs malheurs.

Durant le cruel mal, qui deuore les maisons & les familles de vos officiers ; Nous ne pouuons embrasser d'autres autels que les pieds de vostre Maiesté que nous auons fidèlement serui : quels parfums & quels sacrifices luy pourrions nous desormais offrir, puis que nous luy auons immolé nos cueurs & nos desirs pour le reste de nos iours.

N'est-ce point assez pour esteindre le feu de nos miseres, cela ne suffira-il point pour nous rendre vostre Maiesté fauorable.

SIRE, On recognoissoit ceux de la race de Cadmus à la lance qu'ils apportotent en naissant empreinte sur leur cuisse.

Ceste lance en vostre Maiesté est la generosité & la iustice, qui a paru des vostre naissance. Merque particuliere en la race de Henry le Grand.

Ainsi vous estes assez sensible à nos interests, sans vous resueiller sur les vostres.

Peut-on avec assurance appeller le bié de l'estat, ce qui touche si lourdement au reuenu de vostre Maiesté & qui ruine tant & tant de familles, aprises à seruir Dieu, & leur Roy seulement.

Le bouclier de la Minerue d'Athenes estoit si industrieusement



fai& que toutes les pieces se venans  
ioindre en vn point, si on frapport  
par le centre, il ne demeueroit rien  
d'un si bel ouutage.

On ne peut toucher au Droit  
Annuel, que toutes les familles des  
bonnes villes de la France n'en res-  
sentent l'atteinte.

Depuis dix ans les offices ont ser-  
uy d'hypothèque pour les debtes,  
de bien assure& solide pour les ma-  
riages & les partages des maisons:  
combien donc d'officiers perdus,  
combien de creanciers ruinez, com-  
bien de mariages mal assurez, com-  
bien de ruptures de partages: en  
suinte de cela, combien de debats,  
combien de procès, combien de  
querelles, combien de funestes, &  
tragiques accidens qui suyuent la  
foy publicque violée.

Ce que l'antiquité auançoit par fi-  
gure, que Dicé c'est à dire la justice,

estoit au costé de Iuppiter, se representea nos yeux en effect, puis que nous voyons ceste sainte Dicé, ceste Royne inimitable en vertus, incomparable en iustice, assize à vostre costé, pour représenter à toute heure, que les Roys ne sont grands, qu'entant qu'ils sont iustes.

Aussi le Roy de Lacedemone, ne voulut point ceder au Roy de Perse qui commandoit la plus grand part des peuples de l'Asie, s'il n'estoit plus iuste que luy. Croiant saintement que la grandeur des Roys ne se mesure pas par le nombre des peuples assujétiz sous leurs loix, mais par l'equité de leur gouvernement.

Or ne scay - ie pas comme quoy ceste ordonnance pourroit estre equitable qui defendroit ce que la nature ordonne, aux peres de transmettre à leurs enfants, & a leurs successeurs, ce qui est de leur fortune,



& du fruit de leurs travaux, & que ce qui est permis à tous les ordres de vostre Royaume fust seulement defendu aux officiers de vostre Estat.

SIRE, si vous auez la iustice pour obiect, le ciel sera le terme de vostre gloire & les bornes de l'Ocean, seront celles de vostre Empire.

En vne si grande puissance, vous aurez assez de legitimes moyens pour recompenser ceux qui vous seruent, sans qu'on en propose de si fort esloignez de l'equité.

Il ne reste donc rien qui nous empesche d'esperer la confirmation du Droit Annuel.

Mais attendant ceste iustice & ceste grace ensemble: nous supplions tres-humblement vostre Maiesté d'estendre sur tous les officiers de vostre Royaume, la grace, dont il vous a pleu obliger les officiers deputez pour les Estats, & que l'arrest

donné en faueur de ces particuliers  
serue aussi aux autres, qui ne seruent  
pas moins dignement.

Comme les corps polis rendent  
à ce qui les enuironne les rayons  
qu'ils reçoient du Soleil : ainsi les  
Roys doibuent communiquer à  
leurs peuples les graces qu'ils reçoivent  
de Dieu; qui ne leur donne  
pas pour leur bien seulement, mais  
pour precepte d'en repandre de  
semblables, sur leurs suiets.

¶ Nous esperons que tant de bene-  
dictions depuis quatre ans & plus,  
deploïées sur vne si digne veufue, &  
sur vn si pretieux Orphelin, serui-  
ront d'exemple à vostre Maiesté,  
pour en respendre de semblables  
sur tant de maisons desolées, sur tant  
de veufues larmoyantes, sur tant  
d'orphelins gemissans qui en la  
mort de leur peres & de leurs maris,  
voyent leurs biens, leurs fortunes,



& leurs maisons reduictes en cendre, si vostre Maiesté touchée d'une equitable pitié, ne versé les rosée de sa grace, pour esteindre le feu qu'elles va deuorant. Si vous en vsez ainsi, vous n'adiousterez rien à nostre fidelité puis qu'elle est extreme: Mais vous nous obligerez plus estroitement à prier Dieu, qu'il esgalle vos iours à ceux d'Auguste & qu'il vous donne autant d'Empires, que d'années.

nl





